

漢書門
類
號
函
架
冊
四
三
二
六
三
四

內閣文庫
漢書
類
號
冊
架
函
二
七
二
四
三
二
六
三
四

內閣文庫	
番號	漢 4324
冊數	4 (2)
函號	277 182

0 1 2 3 4 5 6 7 8 9



論語下篇

先進第十一

二十三
論附後

李
子
此
是
夫
子
自
說

子曰先進於禮樂野人也後進於禮樂君子

也如用之則吾從先進

楊云何等眼力何等心腸

李云從來君子不如野人

楊云○論野人君子

說野人的是野人說君子的是君子是夫子之言非時人之言但用之而從先進則夫子自有主張在問恁主張曰只欲其有餘地而已此聖人之心也凡事皆然不獨禮樂如此

物云
懷其

子曰從我於陳蔡者皆不及門也德行顏淵
閔子騫冉伯牛仲弓言語宰我子貢政事
冉有季路文學子游子夏

李云此記從陳蔡之人耳德行言語之事文
學不甚關係

楊云
論從陳蔡

不獨夫子之言懷其而記者之詞亦甚悲
惋人若看得記者之詞悲惋出方可與語
文章之神

子曰回也非助我者也於吾言無所不說

楊云
論于吾言無所不悅

無所不悅從一言中宛轉無盡也非言言
悅之謂然言言中則又逐言宛轉無盡矣

子曰孝哉閔子騫人不問於其父母昆弟之

言。李云悲喜之詞

楊云
論人不問于其父母昆弟之言

還重人不問上勿因閔子有後母之事而
重父母昆弟也雖然畢竟人不問原從父
母昆弟來

南容二復白圭孔子以其兄之子妻之

李云必有一段真精神感孚處非僅僅謹言

季云
能人求
天子一
哭也不
得

分明說為之椁矣又說賣車以買椁真窮
秀才見識也蓋欲借命車以寵其死耳若
欲賣車以買椁門人且厚
葬之矣獨不能買一椁乎

顏淵死子曰噫天喪予天喪予

季云顏子亦是孔子
後身故曰喪予

顏淵死子哭之慟從者曰子慟矣曰有慟乎
非夫人之為慟而誰為

季云非夫人之為慟而誰為一語慟極了
顏子死後夫子哭之如此因思世上人竟
有死後令人笑者復有生前令人哭者更
有生前令人笑者真是可慟

季云
厚葬也
子分也
殺夫子
痛之

顏淵死門人欲厚葬之子曰不可門人厚葬

之子曰回也視予猶父也予不得視猶子

也非我也夫二三子也

季云可當大哭○夫子慟之如此却又不肯
厚葬這是何意極好參

揚云
論厚葬

厚葬必踰分也如欲以命車為椁之類故
夫子既不可之于前復深痛之于後不然
若僅棺椁衣衾之美亦
夫子之心也何為如此

○合論顏淵死四章

妙

得之

子路問聞斯行諸子曰有父兄在如之何其
聞斯行之冉有問聞斯行諸子曰聞斯行
之公西華曰由也問聞斯行諸子曰有父
兄在求也問聞斯行諸子曰聞斯行之赤
也惑敢問子曰求也退故進之由也兼人
故退之李云赤原不問由求還問赤耳要
知要知
子畏於匡顏淵後子曰吾以女為死矣日子
在回何敢死

李云驚事之說

季云子在回何敢死誰人說得出○畢竟子
在回又死了何故何敢

揚云

論子在回何敢死

言外便是子不在回何敢不死古之師弟
如此吁今之師弟則不成話矣雖然無孔
子之師耳有孔子之師自有顏子之弟子

季子然問仲由冉求可謂大臣與子曰吾以

驕甚

子為異之間曾由與求之間所謂大臣者
以道事君不可則止今由與求也可謂具
臣矣曰然則從之者與子曰弑父與君亦

季云殺
着句殺
非所二
如李氏

不從也

李云何等詞嚴義正

揚云論吾以子為異之間

不必說吾以子為臯夔稷契之間此前季然尚未開口安知其問大臣不問大臣遂先料之耶還空說為是

子路使子羔為費宰子曰賊夫人之子子路

曰有民人焉有社稷焉何必讀書然後為

學子曰是故惡夫佞者

楊云論是故惡夫佞者

李云仲尼于子路每下毒手

係不小故夫子不得不以佞斥之然子路實非佞也

子路曾皙冉有公西華侍坐子曰以吾一

長乎爾母吾以也居則曰不吾知也如或

知爾則何以哉子路率爾而對曰千乘之

國攝乎大國之間加之以師旅因之以饑

饉由也為之比及三年可使有勇且知方

也夫子哂之求爾何如對曰方六七十如

五六十求也為之比及三年可使足民如

語人是實

李云不作在

都是實話

亦是可

其禮樂以俟君子赤爾何如對曰非曰能
 之願學焉宗廟之事如會同端章甫願為
 小相焉熱極點爾何如鼓瑟希鏗爾舍瑟而作
 對曰異乎三子者之撰子曰何傷乎亦各
 言其志也曰莫春者春服既成冠者五六
 人童子六七人浴乎沂風乎舞雩詠而歸
 夫子喟然歎曰吾與點也三子者出曾皙
 後曾皙曰夫三子者之言何如子曰亦各

該癡

熱腸

至云
得說利
為處
長子之
意念可
思矣

言其志也物在已矣曰夫子何哂由也曰為國
 以禮其言不讓是故哂之癡唯求則非邦也
 與安見方六七十如五六十而非邦也者
 唯赤則非邦也與宗廟會同非諸侯而何
 赤也為之小孰能為之大楊云只是用世之心更
 無別念勿認差

李云四子侍坐英才濟濟孔子勃然動當世
 之想子路言之鑿鑿夫子色喜所以連問
 三子其急于用世可知矣點乃狂者竟以
 目前對夫子又動一念曰富強禮樂反屬
 空言觀此春光令人增感其用世之心于
 此滋戚所以喟然非關與點點後三子而

好

云楊

問亦疑之也及夫子說到為國上其不忘當世之心何如乃猶以求赤之為邦請也夫子雖不直言所以玩其答語自是了然何從來說此書者之曠曠也特為拈出想夫子亦含笑于杏壇之上

○論夫子哂之

與夫子莞爾而笑一例看雖哂其不讓實喜之之意居多也不然夫子所問者是何事

好

云楊

○論吾與點也

此是夫子一時感慨之言非真話也與浮海居夷一例看故曾點亦覺不安後三子而細問之也

好

○論為國以禮

說為國則夫子之心更可知矣顧涇陽先生曰禮字固以陶鑄子路亦所以點化曾點也蓋狂者之所少正是這一個禮字先生可謂得其神矣

顏淵第十二

顏淵問仁子曰克己復禮為仁一日克己復

禮天下歸仁焉為仁由己而由人乎哉顏

淵曰請問其目子曰非禮勿視非禮勿聽

非禮勿言非禮勿動顏淵曰回雖不敏請

事斯語矣

楊云第一局

好

李云仲尼與顏子談仁即視聽言動亦一毫參以我不得是何等地步何等學問所以說天下歸仁天下歸仁依稀至聖之凡有血氣莫不尊親地位矣

楊云 ○論一日克已復禮

一日字最可味舍此一日不下手永無可手之期矣百事都始于一日況為仁乎

楊云 論天下歸仁焉

或疑何以說到天下此夢語也正為已與天下判為天下所以聖賢拈个仁字為仁便欲已與天下還為一家矣所以說天下歸仁

楊云 ○合論克已由已

好

或問二已字同異顧涇陽先生答之曰下文已自解得明白曰非禮勿視非禮勿聽非禮勿言非禮勿動便知克已已字曰回雖不敏請事斯語矣便知由已已字何必再下一字註脚

楊云 論請問其目

說來直是不疑竝不回頭轉腦豈問關吏過關者乎

楊云 論請事斯語

看他是何等担當便知他是何等地位○日事則語不為空言矣

仲弓問仁子曰出門如見大賓使民如承大祭已所不欲勿施於人在邦無怨在家無

怨仲弓曰雍雖不敏請事斯語矣

李云出門如見大賓使民如承大祭是居敬也。已所不欲勿施于人。是行簡也。在邦無怨。在家無怨。是以臨其民。不亦可乎也。○此條與上條都先說功。然後說効。下面司馬牛便先與他說効。然後說功。此天子接上根之法。與接中下根之法。有辨也。如今之談文者。對能文之士。必先言如何如何。然後可中對初學之士。必先對他說做官。然後勸他讀書也。

楊云論出門如見大賓四語

嘗疑此四語連說。近日始豁然于此。乃知聖人經歷過方說得出也。若不敬決不得。怨先儒云無忠作怨不出。今亦云無敬做

怨不出。雖然忠敬亦非二物。

司馬牛問仁。子曰仁者其言也訥。曰其言也

訥。斯謂之仁矣乎。子曰為之難言之得無

訥乎。

李云牛亦念及為之難乎。○此與下條見夫子陶鑄之妙。先只與他說其言也。訥不憂不懼。待渠率爾致問。然後說出。所以言訥不憂不懼。來想牛于是時通身汗下。當幾石矣。○多言而躁之人。定須這樣鑪錘也。

司馬牛問君子。子曰君子不憂不懼。曰不憂

不懼。斯謂之君子矣乎。子曰內省不疚。夫

李云
此亦內
省之乎

何憂何懼

楊云此與上章俱是先發其病然然後下藥

司馬牛憂曰人皆有兄弟我獨亡子夏曰商聞之矣死生有命富貴在天君子敬而無失與人恭而有禮四海之內皆兄弟也君子何患乎無兄弟也

楊云善調停

李云司馬牛多言而躁其兄弟又凶頑不道之人料必兄弟不相能者人皆有兄弟我獨亡憂其將害已也故子夏以死生有命富貴在天慰之又教以處之之法謂只待以恭敬踈者可親況親者乃及踈乎蓋勸其兄弟和睦也宋儒竟謂認他人為兄弟

何必自家兄弟這叫做離間骨肉

子張問明子曰浸潤之譖膚受之愬不行焉可謂明也已矣浸潤之譖膚受之愬不行焉可謂遠也已矣

真真

李云只與他近處說○妙在第二條浸潤之譖膚受之愬不行焉十一字蓋一時不行止可謂明到底不行方可謂遠

子貢問政子曰足食足兵民信之矣子貢曰必不得已而去於斯三者何先曰去兵子貢曰必不得已而去於斯二者何先曰去

李云
文猶質
質猶文
是千古
論文所
一也

食自古皆有死民無信不立

楊云此等問答非聖賢不能

李云非子貢不能問非孔子不能答自古皆有死民無信不立聖人看道理直如此

楊云論于斯二者何先

到此非子貢不能問也然子貢亦知信不可去但不能如夫子之答云○你看仲尼看生死何如

快發

棘子成曰君子質而已矣何以文為子貢曰

惜乎夫子之說君子也駟不及舌文猶質

也質猶文也虎豹之鞶猶犬羊之鞶

定案

李云此篇文亦奇

哀公問於有若曰年饑用不足如之何有若

對曰盍徹乎曰二吾猶不足如之何其徹

也對曰百姓足君孰與不足百姓不足君

孰與足

楊云仁人之言

李云其言似反而實正其意似迂而實切

子張問崇德辨惑子曰主忠信徙義崇德也

愛之欲其生惡之欲其死既欲其生又欲

其死是惑也誠不以富亦祇以異

四書評眼

下論五卷

十五

李云就在此處有何不好引來證其意耳何必字字明白宋儒解書病在太明白

齊景公問政於孔子孔子對曰君君臣臣父

父子子公曰善哉信如君不君臣不臣父

不父子不子雖有粟吾得而食諸揚云所感多矣

李云聖人之言順理平鋪似無意者而極切來問者膏肓故不覺聽之骨悚

子曰片言可以折獄者其由也與子路無宿

諾李云記者亦作例

子曰聽訟吾猶人也必也使無訟乎李云弘

子張問政子曰居之無倦行之以忠

李云對子路先說先勞後說無倦對子張先說無倦後以忠真是化工付物

子曰博學於文約之以禮亦可以弗畔矣夫

子曰君子成人之美不成人之惡小人反是

季康子問政於孔子孔子對曰政者正也子

帥以正孰敢不正李云斬截

季康子患盜問於孔子孔子對曰苟子之不

欲雖賞之不竊李云老捕快

真

好。

季康子問政於孔子曰如殺無道以就有道何如孔子對曰子為政焉用殺子欲善而民善矣君子之德風小人之德草草上之風必偃

李云言外有要殺先從子始意

揚云○論子政焉用殺

此夫子極妙語也康子殺字原說得慘然夫子言外之旨有欲殺先自子意妙絕妙絕秋殺之中頌回春意

李云明見萬

子張問士何如斯可謂之達矣子曰何哉爾

妙。

所謂達者子張對曰在邦必聞在家必聞子曰是聞也非達也夫達也者質直而好義察言而觀色慮以下人在邦必達在家必達夫聞也者色取仁而行違居之不疑在邦必聞在家必聞

李云剖析分明○子張當日汗浹背矣

揚云○論居之不疑

或問如此則與達幾混過矣人亦何苦必不為聞而必為達乎曰居之不疑正是大疑處大疑何可久也頃之自破綻矣

樊遲從遊於舞雩之下日敢問崇德修慝辨

惑子日善哉問先事後得非崇德與攻其

惡無攻人之惡非脩慝與一朝之忿忘其

身以及其親非惑與楊云聖人說惑處冷

李云此是樊遲之藥亦大眾之藥

○○○論攻其惡無攻人之惡

慝惡之匿于心者攻之自無暇及于人之
惡明矣何必言之日人之惡非必他人之
惡也攻已之惡而有為人之念皆攻人之
惡非攻其惡也故日攻其惡無攻人之惡
乃謂之修慝聖人之言

原自微密人
特錯會耳

樊遲問仁子曰愛人問知子曰知人樊遲未

達子曰舉直錯諸枉能使枉者直樊遲退

見子夏日鄉也吾見於夫子而問知子曰

舉直錯諸枉能使枉者直何謂也子夏曰

富哉言乎舜有天下選於眾舉臯陶不仁

者遠矣湯有天下選於眾舉伊尹不仁者

遠矣

好

李云樊遲覲面而失子夏聞言而悟二子地步何如所以夫子曰中人以上可以語上也

揚云 ○論鄉也吾見于夫子而問知

是日問仁問知而獨曰問知樊遲即甚鶻突亦不至此想問仁問知是兩日事記者合拜言之又一日問知而言知人遲因思及前日愛人之語不覺有礙故未達耳夫子亦照見此乃曰舉直錯諸枉能使枉者直遲不知夫子照見其意中事乃以為專論知也故向子夏言之

子貢問友子曰忠告而善道之不可則止無

自辱焉

李云不可則止無自辱焉當聖賢之道不當

豪傑之心

曾子曰君子以文會友以友輔仁

子路第十三 五論 附後

子路問政子曰先之勞之請益曰無倦

李云請益處便是倦根故即以無倦益之

仲弓為季氏宰問政子曰先有司赦小過舉

何等心腸 賢才曰焉知賢才而舉之曰舉爾所知爾

所不知人其舍諸 是簡甚

揚云 論焉知賢才而舉之

直看仲弓是何等心腸便欲舉盡一
世野無遺賢今之為宰者有是心否

子路曰衛君待子而為政子將奚先子曰必

○寺○手○眼
直簡野

也正名乎子路曰有是哉子之迂也奚其
正子曰野哉由也君子於其所不知蓋闕
如也名不正則言不順言不順則事不成
事不成則禮樂不興禮樂不興則刑罰不
中刑罰不中則民無所措手足故君子名
之必可言也言之可行也君子於其言

直看
到

無所苟而已矣 楊云子路那得知

樊遲請學稼子曰吾不如老農請學為圃曰

吾不如老圃樊遲出子曰小人哉樊須也
上好禮則民莫敢不敬上好義則民莫敢
不服上好信則民莫敢不用情夫如是則
四方之民襁負其子而至矣焉用稼 楊云如此說來
遲真小人

李云斯民何可忘也乃

學稼圃真是小人

子曰誦詩三百授之以政不達使於四方不

四書評眼 下論五卷 卅

能專對雖多亦奚以為

法楊云可得誦詩之

李云今之誦詩者試思何以達政何以專對始不負三百矣

揚云

論誦詩三百

或問即記着三百篇何以便能達政便能專對無知氏笑曰雖多亦奚以為正為子輦說也詩以適性情誦詩所以和平性情性情和平矣政有不達者乎使于四方有不能專對者乎

子曰其身正不令而行其身不正雖令不從

痛快

子曰魯衛之政兄弟也

李云無限感慨

子謂衛公子荆善居室始有曰苟合矣少有

曰苟完矣富有曰苟美矣

揚云討便宜

李云今之居室者能如是否

子適衛冉有僕子曰庶矣哉冉有曰既庶矣

又何加焉曰富之曰既富矣又何加焉曰

教之揚云真經濟
李云問答萬古經綸

曰苟有用我者晷月而已可也三年有成

李云老婆心切○鑿鑿可擬豈浪言者

子曰善人為邦百年亦可以勝殘去殺矣誠

哉是言也李云殺字慘甚○誠哉是言非贊言也贊人也

楊云論善人為邦百年

可笑人每說此以為父子相繼或以為先後相繼都看為邦百年呆了為邦百年只說他遺風流韻之久耳豈真百年為邦也哉○有一日之善政亦可百年

子曰如有王者必世而後仁李云見當時國勢民風如此

子曰苟正其身矣於從政乎何有不能正其身如正人何李云爽明

身如正人何 李云爽明

冉子退朝子曰何晏也對曰有政子曰其事

也如有政雖不吾以吾其與聞之狠

李云一字不肯假借如此

定公問一言而可以興邦有諸孔子對曰言

不可以若是其幾也人之言曰為君難為

臣不易如知為君之難也不幾乎一言而

興邦乎曰一言而喪邦有諸孔子對曰言

不可以若是其幾也人之言曰予無樂乎

為君唯其言而莫予違也如其善而莫之

違也。不亦善乎？如不善而莫之違也，不幾乎一言而喪邦乎？
揚云真聖人之言

李云定公求之言孔子求之身不可以若是其幾不幾乎正求之身處

葉公問政，子曰：「近者說，遠者來。」
李云淺人只與他說效

子夏為莒父宰，問政，子曰：「無欲速，無見小利。」
李云千言

欲速則不達，見小利則大事不成。古至言

葉公語孔子曰：「吾黨有直躬者，其父攘羊而」

子證之。孔子曰：「吾黨之直者，異於是。父為

子，隱；子為父，隱，直在其中矣。」
李云葉公全不識直

樊遲問仁，子曰：「居處恭，執事敬，與人忠。雖之

夷狄，不可棄也。」
李云聖人說話真是到底


子貢問曰：「何如斯可謂之士矣？」子曰：「行己有」

恥，使於四方，不辱君命，可謂士矣。」曰：「敢問」

其次曰：「宗族稱孝焉，鄉黨稱弟焉。」曰：「敢問」

其次曰：「言必信，行必果，硜硜然，小人哉。抑」

亦可以為次矣。」曰：「今之從政者，何如？」子曰：「問得妙」



意斗筭之人何足算也

李云孝弟都從有耻得來○言必信行必果也只為不肯無耻○今之從政者只是一个小無耻

子曰不得中行而與之必也狂狷乎狂者進取狷者有所不為也

李云進取有所不為不是訓釋狂狷有味乎其言之也

子曰南人有言曰人而無恒不可以作巫醫善夫不恒其德或承之羞子曰不占而已矣

李云不可以作巫醫真可羞矣 楊云批語狠

李云 罕字最 絕 錯綜妙

楊云 論不占而已矣

不占字勿太泥因上而所引是易之語故曰不占如子路終身誦之因上面是詩之語故說通也

子曰君子和而不同小人同而不和

子貢問曰鄉人皆好之何如子曰未可也鄉

人皆惡之何如子曰未可也不如鄉人之

善者好之其不善者惡之

李云不善惡人亦是贊嘆頂禮不善者何嘗不善哉

楊云 論鄉人皆惡之何如

四書評眼 下論五卷

你看子貢是何等眼孔欲取人于鄉人皆
惡之中今人見一二人說此人不好便為
吠聲之犬矣要之子貢亦見得鄉人眼孔
不可與論天下之士耳故夫子亦止曰未
可不說不可也曰未可者不
如不善者惡之之為穩也

子曰君子易事而難說也說之不以道不說
也及其使人也器之小人難事而易說也
說之雖不以道說也及其使人也求備焉

李云曲盡君子小人性情

子曰君子泰而不驕小人驕而不泰

李云果然

子曰剛毅木訥近仁

李云要知剛毅木訥都是仁
仁則并無剛毅木訥矣

子路問曰何如斯可謂之士矣子曰切切悝

悝怡怡如也可謂士矣朋友切切悝悝兄

弟怡怡

李云何等說得近人○古人是士所以每每問士今
人不是士所以竟不問了可憐○人情兄弟易切
切悝悝朋友易怡怡所以分別言之

子曰善人教民七年亦可以即戎矣

李云說七年便不是空話

子曰以不教民戰是謂棄之真

李云一
知廉勇
藝是銅
鐵禮樂
是丹頭
然則今
之不成
入者極
是

子曰孟公綽為趙魏老則優不可以為滕薛

大夫春秋

李云公綽知已

子路問成人子曰若臧武仲之知公綽之不

欲下莊子之勇冉求之藝文之以禮樂亦

可以為成人矣曰今之成人者何必然見

利思義見危授命久要不忘平生之言亦

可以為成人矣

李云謹思此書後方知我輩不成人不成人

揚云 論若臧武仲之知 冉求之藝

要看頂上一若字謂如四子之知廉勇藝隨有一樣俱可文之以禮樂俱可為成人也故可以為成人矣上面下一亦字此亦字正與若字相應不說定兼四子之長然後可文之以禮樂也禮樂是丹頭知廉勇藝是銅鐵丹頭既到所投皆化何必銅鐵色色俱備哉

子問公叔文子於公明賈曰信乎夫子不言

不笑不取乎公明賈對曰以告者過也夫

子時然後言人不厭其言樂然後笑人不

四書評眼 下論五卷 廿八

季云
言他不
是沒用
的

死。又。相。之。子。曰。管。仲。相。桓。公。霸。諸。侯。一。匡。天。下。民。到。于。今。受。其。賜。微。管。仲。吾。其。被。髮。左。衽。矣。豈。若。匹。夫。匹。婦。之。為。諒。也。自。經。於。溝。瀆。而。莫。之。知。也。

季云。看此民到于今受其賜一語則前面如其仁如其仁之語更了然

公叔文子之臣大夫僎與文子同升諸公子

聞之曰可以為文矣

季云。因他謚文子故曰可以為文矣。文字不必太泥總之極其許可之詞

子言衛靈公之無道也。康子曰夫如是奚而

不喪孔子曰仲叔圍治賓客祝鮀治宗廟

王孫賈治軍旅夫如是奚其喪

季云。人之有關於國如此。貧家勤掃地。魏女淨梳頭也。救得一半。

子曰其言之不怍則為之也難

季云。為之也難。斷其不為也。言之不怍者。聞此其能無怍乎。

陳成子弒簡公孔子沐浴而朝告於哀公曰

陳恒弒其君請討之公曰告夫三子孔子

季云
實請討
三家也

李云天子亦垂
極矣

曾子曰君子思不出其位

李云要知是何位方知是如何不出

子曰君子恥其言而過其行

李云耻字何等精神過字何等力量

子曰君子道者三我無能焉仁者不憂知者

不惑勇者不懼子貢曰夫子自道也聰明妙

子貢方人子曰賜也賢乎哉夫我則不暇狠

李云好捧喝

子曰不患人之不己知患其不能也

李云不能些恁極可思

李云此亦

子曰不逆詐不億不信抑亦先覺者是賢乎真

李云逆億而覺者不賢可知

微生畝謂孔子曰丘何為是栖栖者與無乃

為佞乎孔子曰非敢為佞也疾固也妙對

子曰驥不稱其力稱其德也

李云口只說馬無德者馬不如矣

或曰以德報怨何如子曰何以報德以直報

怨以德報德聖人之言

李云以德報怨亦是有激之言然激則不平矣

子曰莫我知也。夫子貢曰何為其莫知子也。子曰不怨天不尤人下學而上達。知我者其天乎。夫子受用

李云不作誑語。怨天尤人者且不學。安得

達。學從不怨尤始。

楊云

論知我者其天乎

天子有這个知己儘不寂寞又何必人知也哉

公伯寮愬子路於季孫。子服景伯以告曰夫子固有惑志於公伯寮。吾力猶能肆諸市。

朝子曰道之將行也與。命也道之將廢也與。命也。公伯寮其如命何。伯寮沒趣

李云子服景伯還把公伯寮當箇人。孔子子把公伯寮竟不看做一箇人。此老直恁狠

子曰賢者辟世。其次辟地。其次辟色。其次辟言。李云此豈盛世所有嗚呼

子曰作者七人矣。李云悽然

子路宿於石門。晨門曰奚自。子路曰自孔氏。曰是知其不可而為之者與。知己

李云是聖人大知已。○夫子自家亦說天下有道立不與易也。

子擊磬於衛有荷蕢而過孔氏之門者曰有

心哉擊磬乎既而曰。○知○已○
○當○亦○麻○矣○
家語
也斯已而已矣深則厲淺則揭子曰果哉

末之難矣

李云此人亦奇當是大有心人。聞磬聲遂

動當世之想既而參以後念故作違心之

語夫子知之以果哉末之難矣挑之又為

揚云論既而曰

荷蕢實到此又是後念矣。洎小說有心哉擊磬乎之時用世之念亦覺微動後來轉人念頭便有許多憤激說話故夫子以果哉末難挑之亦知其是个有心人也。

子張曰書云高宗諒陰三年不言何謂也子

口何必高宗古之人皆然君薨百官總已

以聽於冢宰三年

李云子張看作奇特夫子說來直恁平常

子曰上好禮則民易使也。楊云禮字要識

子路問君子子曰修己以敬曰如斯而已乎

揚云
子路不
識敬字

李云
老着安
之

以者
懷之

曰脩已以安人曰如斯而已乎曰脩已以安百姓脩已以安百姓堯舜其猶病諸

李云攬子路之問品地儘高與問為邦近矣

○兩如斯而已乎見子路之外王一堯舜其猶病諸見孔子之內聖

原壤夷俟子曰幼而不孫弟長而無述焉老

而不死是為賊以杖叩其脛聖人不獨叩

李云一頭罵一頭打孔夫子直恁慈悲

闕黨童子將命或問之曰益者與子曰吾見

其居於位也見其與先生並行也非求益

者也欲速成者也

李云在居位址行處見其欲速成非不隅坐隨行也若是不隅坐隨行一牧牛小斯矣何以將命

衛靈公第十五六論附後

衛靈公問陳於孔子孔子對曰俎豆之事則

嘗聞之矣軍旅之事未之學也明日遂行

在陳絕糧從者病莫能興子路愠見曰君

子亦有窮乎子曰君子固窮小人窮斯濫

矣。李云看聖人舉動言辭有一毫遲回計較否

子曰賜也女以予為多學而識之者與對曰

然非與曰非也予一以貫之

李云腐儒以然非與處謂不如曾氏之唯可發一笑

子曰由知德者鮮矣。李云喚醒也

子曰無為而治者其舜也與夫何為哉恭已

正南面而已矣。李云形容他不煩擾也

子張問行子曰言忠信行篤敬雖蠻貊之邦

行矣言不忠信行不篤敬雖州里行乎哉

立則見其參於前也在與則見其倚於衡

也夫然後行子張書諸紳。楊云一見字可

李云參前倚衡一節申得最妙不然竟有以忠信篤敬求行者矣如何待行○夫然後

楊云論立則見其參于前也至干衡也

言忠信行篤敬誠意也誠身也此說二見字分明說致知明善矣昔周海門先生曾於許敬菴先生極之

子曰直哉史魚邦有道如矢邦無道如矢君

季云不可與言而與之言失言一語又與不可與言矣

子哉蘧伯玉。邦有道則仕，邦無道則可卷而懷之。
季云各成其是，勿置軒輊。

子曰：可與言而不與之言，失人；不可與言而與之言，失言。知者不失人，亦不失言。
失字

子曰：志士仁人，無求生以害仁，有殺身以成仁。
季云無有非實事，言其斷如此耳。

子貢問為仁。子曰：工欲善其事，必先利其器。居是邦也，事其大夫之賢者，友其士之仁者。

者。
季云：今天下只是多鈍器，奈何。

顏淵問為邦。子曰：行夏之時，乘殷之輅，服周之冕，樂則韶舞。放鄭聲，遠佞人。鄭聲淫，佞人殆。

楊云：萬世之典。季云：氣象還讓唐虞否。

揚云論樂則韶舞

行夏之時，便的說个行夏之時，乘殷之輅，便的說个乘殷之輅，服周之冕，便的說个服周之冕。至于韶舞，便下个則字，似有斟酌擬議者在此。武之所以盡美，未盡善也。與慧山人曰：樂則韶舞，夫子說到此，不覺神游于其間，故口氣如此。

子曰人無遠慮必有近憂

李二云余嘗謂此八字分明一部易經

子曰已矣乎吾未見好德如好色者也

李二云加已矣乎望之愈切矣不作絕望看

子曰臧文仲其竊位者與知柳下惠之賢而

不與立也

楊二云可惡在知

李二云不知也罷了知而不與立所以可恨然

此處亦必有所為不然孔子不徒點鬼薄已也

楊二云

論竊位

說他竊位分明罵他是个賊矣知人之賢而嫉嫉之者非賊而何非賊而何

子曰躬自厚而薄責於人則遠怨矣

李二云不為遠怨而薄責於人理合如此且躬自薄必薄責人勢亦如此

子曰不曰如之何如之何者吾末如之何也

已矣巧

李二云實是聖人又如之何一番矣○文亦巧

子曰羣居終日言不及義好行小慧難矣哉

李二云真箇難

子曰君子義以為質禮以行之孫以出之信

以成之君子哉李二云不是君子以義為質以禮行之以孫出之以信成之

子曰君子病無能焉不病人之不已知也

李云真正有能定以人為為病

子曰君子疾沒世而名不稱焉

李云必欲沒世稱名也是箇疾

子曰君子求諸已小人求諸人

李云不如小人在那裡去了可憐可憐

子曰君子矜而不爭羣而不黨

李云此等處畢竟作訓詞不作贊詞方味長

子曰君子不以言舉人

李云世俗之病不以言舉人易不以人廢言

難

子貢問曰有一言而可以終身行之者乎

李云說到此。自。住。口。不。得。

曰其恕乎已所不欲勿施於人

說得有味

李云已所不欲勿施于人。箇字說得津津有味

子曰吾之於人也誰毀誰譽如有所譽者其

有所試矣斯民也三代之所以直道而行

也

李云斯民也三代之所以直道而行也見亦不忍欺之也

楊云論誰毀誰譽

誰毀誰譽與無毀無譽不同誰毀猶言毀得那個也誰譽猶言譽得那個也正與斯民也三代之所以直道而行也相應人惟看二誰字不透并三代處亦鶻突過了

子曰吾猶及史之闕文也有馬者借人乘之今亡矣夫

李云感慨係之矣○此必有為而言說得是不然便無謂

子曰巧言亂德小不忍則亂大謀

李云二病都在自家一失之浮一失之躁

子曰衆惡之必察焉衆好之必察焉

李云惡在好前大有味○衆好不察不過誤

得小人衆惡不察直至誤失君二

子曰人能弘道非道弘人

李云與由仁義行非行仁義也相表裡○或不解曰道從人出非有道而后人弘之也

猶仁義從舜出非有仁義而後舜行之也

子曰過而不改是謂過矣

子曰吾嘗終日不食終夜不寢以思無益不如學也

真話

李云致知必在格物盡性必在窮理孔子已身驗之矣彼講心學者何如

子曰君子謀道不謀食耕也餒在其中矣學

也。祿在其中矣。君子憂道不憂貧。

李云作訓詞看四語血脉大是井然

子曰：知及之，仁不能守之，雖得之，必失之。知及之，仁能守之，不莊以蒞之，則民不敬。知及之，仁能守之，莊以蒞之，動之不以禮，未善也。

楊云逐步進好文法

李云大學之道在明明德在親民在止于至善

子曰：君子不可小知，而可大受也。小人不可大受，而可小知也。

楊云不可小知猶言不易測識

李云不可小知猶言不可思議大受正在不可小知處若曰于細事未必可觀何以爲君子

楊云論君子不可小知

謂君子不可以小處知之也非謂細事未必可觀若細事未必可觀何以爲君子

子曰：民之於仁也，甚於水火。水火吾見蹈而死者矣，未見蹈仁而死者也。

嘆絕

李云末二句有無限感慨竟作仁甚水火註脚却不孤負此老一片婆心

子曰：當仁，不讓於師。

李云最有味只爲學者惟有當仁一事讓師故曰當仁不讓于師

子曰君子貞而不諒。

李云然則諒者必是經經小人

子曰事君敬其事而後其食。

李云但看敬字何等精神不期食之後而自後矣。其食本分內者也。且後之況在民間者乎。思及此不忍言矣。

子曰有教無類。

李云天地父母心

子曰道不同不相為謀。

李云真。此是病語亦是藥語。

子曰辭達而已矣。

李云五字便談文秘密藏

師冕見及階子曰階也及席子曰席也皆坐

子告之曰某在斯某在斯師冕出子張問

曰與師言之道與子曰然固相師之道也。

李云及階言階及席言席皆坐而曰某在斯某在斯事極平常一有遺與之問平常幾為奇特夫子歸之相師之道奇特復還平常

揚云論然固相師之道也。

說相師之道而着一固字抹却子張多少奇特想矣

論語五卷終

季氏將伐顓臾。冉有、季路見於孔子曰：「季氏將伐顓臾。」孔子曰：「求！無乃爾是過與？」冉有對曰：「夫顓臾，昔者先王以為東蒙主，且在邦域之中矣，是社稷之臣也。何以伐為？」孔子曰：「求！周任有言曰：『陳力就列，不能者止。危而不持，顛而不扶，則將焉用彼相矣！』且爾言過。」

下論六

季氏第十六

附後

季氏將伐顓臾。冉有、季路見於孔子曰：「季氏將有事於顓臾。」孔子曰：「求！無乃爾是過與？」冉有對曰：「夫顓臾，昔者先王以為東蒙主，且在邦域之中矣，是社稷之臣也。何以伐為？」孔子曰：「求！周任有言曰：『陳力就列，不能者止。危而不持，顛而不扶，則將焉用彼相矣！』且爾言過。」

下論六

李云
怎過得
此老過

矣虎兕出於柙龜玉毀於楨中是誰之過
與冉有曰今夫顓臾固而近於費今不取
後世必為子孫憂孔子曰求君子疾夫舍
日欲之而必為之辭丘也聞有國有家者
不患寡而患不均不患貧而患不安蓋均
無貧和無寡安無傾夫如是故遠人不服
則脩文德以來之既來之則安之今由與
求也相夫子遠人不服而不能來也邦分

李云
又李
孫之觀

崩離析而不能守也而謀動干戈於邦內
吾恐季孫之憂不在顓臾而在蕭牆之內
也。揚云聖人如神明

李云兩人同來而夫子只責冉求知子路之
來亦冉有使之也蓋子路是箇真人不知
其中闕戾子夫子則知之矣及冉有曰吾
二臣有分罪于子路意夫子到底只是說
求求躲閃不得無可柰何只得直陳供狀
曰今不取後世必為子孫憂此求與季孫
之密謀可知已夫子于是畧及子路而遂
言季孫之憂不在顓臾而在蕭牆之內嗚
呼使季孫聞之不驚魂喪魄也哉且將怨
冉有不謀蕭牆之內而謀顓臾以為非忠

于我矣夫子真神于變惡者哉

子明誅臣
父隱責君
楊云
責有所歸

孔子曰天下有道則禮樂征伐自天子出天下無道則禮樂征伐自諸侯出蓋十世希不失矣自大夫出五世希不失矣陪臣執國命三世希不失矣天下有道則政不在大夫天下無道則庶人不議

李二云讀後二節分明追求禍本有無隅感慨怨慕之意

論天下有道則庶人不議

顧涇陽先生曰此以上顯誅在下之人也此以下陰咎在上之人也部春秋大半在此

孔子曰祿之去公室五世矣政逮於大夫四

世矣故夫三桓之子孫微矣李二云明日還他證佐夫

孔子曰益者三友損者三友友直友諒友多

聞益矣友便辟友善柔友便佞損矣楊云分點

李二云今又有便辟而托于直者善柔而托于諒者便佞而托于多聞者柰何

孔子曰益者三樂損者三樂樂節禮樂樂道人之善樂多賢友益矣樂驕樂樂佚遊樂

宴樂損矣

李云此二篇末後叫益矣損矣二字有萬千叮嚀萬千告戒之意正所云言有盡而意無窮也

孔子曰侍於君子有三愆言未及之而言謂之躁言及之而不言謂之隱未見顏色而言謂之瞽

李云躁之愆淺可厭隱之愆惡可疑瞽之愆癡可憐

孔子曰君子有三戒少之時血氣未定戒之在色及其壯也血氣方剛戒之在鬪及其老也血氣既衰戒之在得

李云有破世

李云酒色財氣孔子之訓止戒其三固知魚量之聖不知酒之當戒也

孔子曰君子有三畏畏天命畏大人畏聖人之言李云云看也他轉換小人不知天命而不畏也狎大人侮

聖人之言

楊云知字點得好

李云天命之謂性大人盡性之人聖人之言盡性之方今之講心學者畏耶狎耶侮耶自考之

楊云論畏天命

君子只為知天命故畏天命所云識法者懼也畏大人畏聖人之言亦是知天命耳最妙從小人處點出知字聖人之婆心如此

李云字長換得神

李云
斯字妙
見得到
此亦肯
李初復
下下也

孔子曰生而知之者上也學而知之者次也
困而學之又其次也困而不學民斯為下
矣。楊云說得明白

李云到不學方說出民字惟下始為民耳可
見士全在學今為名為士而不學者士乎
民乎自思之

孔子曰君子有九思視思明聽思聰色思溫
貌思恭言思忠事思敬疑思問忿思難見
得思義

李云天下惟禽獸無思此思訓君子當有

此九思不是贊君子能有此九思○作
詞看味方雋永

揚云○論君子有九思

此指人以知之路也教他零碎思去自有
一個個圖知迸出來聞之觀性喜禪師如此

孔子曰見善如不及見不善如探湯吾見其
人矣吾聞其語矣隱居以求其志行義以
達其道吾聞其語矣未見其人也

李云千古語之下乎添四語
四語便有無限感慨

齊景公有馬千駟死之日民無德而稱焉伯

也孔子人多而深淵文

字相友

夷叔齊餓于首陽之下民到于今稱之其
感深矣斯之謂與
李云其斯之謂與夫子必有所指特借景公夷齊為樣子耳

陳亢問於伯魚曰子亦有異聞乎對曰未也

嘗獨立鯉趨而過庭曰學詩乎對曰未也

不學詩無以言鯉退而學詩他日又獨立

鯉趨而過庭曰學禮乎對曰未也不學禮

無以立鯉退而學禮聞斯二者陳亢退而

喜曰問一得三聞詩聞禮又聞君子之遠

其子也

李云此公的是妙人

邦君之妻君稱之曰夫人夫人自稱曰小童

邦人稱之曰君夫人稱諸異邦曰寡小君

異邦人稱之亦曰君夫人

李云妙在尋他斷續不出神化至此

陽貨第十七 七論 附後

陽貨欲見孔子孔子不見歸孔子豚孔子時

其亡也而往拜之遇諸塗謂孔子曰來予

揚云古文字

李云良心

一〇無心成心

定

與爾言曰懷其寶而迷其邦可謂仁乎曰
不可好從事而亟失時可謂知乎曰不可
日月逝矣歲不我與孔子曰諾吾將仕矣

李云到底是箇孔子不見○陽貨都是有意
孔子一味無心所謂山鬼之伎倆有限而
老僧之伎倆無窮也○孟子謂亦瞰其亡
也而往拜之是說孟子詰孔子那得如此
孔子如此不獨貌似陽虎耳

○○論孔子時其亡也而往拜之

時適值其時也乃時之之聖本來面目何
故孟子以為亦闕其亡也而往拜之分明
只說得孟子自家話原不曾說着孔子葉

好

○○論孔子曰諾吾將仕矣

文通謂孔子若是闕亡不獨貌似陽虎矣
固為快論而青浦揚長倩復作頌曰當時
若說曾窺矚何不途中預避之尤為暢絕
或問前而懷其寶而迷其邦可謂仁乎曰
不可處應着孔子曰三字何故至此乃始
說孔子曰哉曰前而泛論原不說到孔子
身上故不着孔子字及至日月逝矣歲不
我與已說到孔子身上矣故
着孔子字此記者之妙也

子曰性相近也習相遠也

揚云千古定案

李云分疏明白○原是說性善倒為程朱註
脚看壞了
近字可恨

子曰唯上知與下愚不移

李云婆心○正要他移不移是病移便是藥
○要知此是慨嘆語亦是激發語若作實
說便與相近處有礙

○○論惟上知與下愚不移

此聖人移也上知無下移之理惟下愚不肯上移所以為下愚也罵之之詞亦激之之語

子之武城聞弦歌之聲夫子莞爾而笑曰割

雞焉用牛刀子游對曰昔者偃也聞諸夫

子曰君子學道則愛人小人學道則易使

抄云真
聖人圓
妙

也子曰二三子偃之言是也前言戲之耳

李云割雞焉用牛刀乃是夫子喜極故反言之不料子游不解認真起來夫子只說他是自家反招一箇戲語何等員活真箇是時中聖人吾輩從此亦得待板人之法

公山弗擾以費畔召子欲往子路不說曰未

之也巳何必公山氏之之也子曰夫召我

者而豈徒哉如有用我者吾其為東周乎

六一腔熱血○聖人自有聖人之手聖人自有聖人之眼公山一石西方美人之思勃然子路如何知得○吾其為東周乎言必為西周不為東周也本朝楊升菴得之

四書評恨 下論六卷

揚云此
聖賢之
教不可

子張問仁於孔子孔子曰能行五者於天下
為仁矣請問之曰恭寬信敏惠恭則不侮
寬則得衆信則人任焉敏則有功惠則足
以使人

李云言效正要他行○孔子自天下言仁宋
人定要從一人身上言仁何故何故

佛肸召子欲往子路曰昔者由也聞諸夫子
曰親於其身為不善者君子不入也佛肸
以中牟畔子之往也如之何子曰然有是

言也不曰堅乎磨而不磷不曰白乎涅而
不緇吾豈匏瓜也哉焉能繫而不食

李云顏子知他鑽之彌堅曾子知他江漢以
濯之邵子知他以萬世為土子曰由知德
者鮮矣

子曰由也女聞六言六蔽矣乎對曰未也居
吾語女好仁不好學其蔽也愚好知不好
學其蔽也蕩好信不好學其蔽也賊好直
不好學其蔽也絞好勇不好學其蔽也亂

不好學其蔽也狂楊云學之不可已如此

李云搔着子路痒處亦搔着子路痛處亦搔着天下萬世痛痒處○嗚呼今天下蔽者豈少哉言良知而不言學亦愚亦蕩亦賊亦絞亦亂亦狂

楊云論六言

仁知信直勇剛六德也不曰六德而曰六言極妙蓋未學之前不遇外面六個名號耳未為德也所以猶可蔽而為愚蕩賊絞亂狂乎

子曰小子何莫學夫詩詩可以興可以觀可以羣可以怨邇之事父遠之事君多識於

鳥獸草木之名

子謂伯魚曰女為周南召南矣乎人而不為

周南召南其猶正牆面而立也與真

李云合看兩篇詩之有用如此今特以之取科第而已所云夜明珠彈黃雀者非耶○孔子言學言為孟子方言頌字

子曰禮云禮云玉帛云乎哉樂云樂云鐘鼓

云乎哉

李云意在言外水月鏡花是絕妙文字

子曰色厲而內荏譬諸小人其猶穿窬之盜

李云
矣乎是
訓詞非
問詞

也與

楊云痛快之甚

李云照妖鏡○色厲內荏便是小人何必又譬諸小人

子曰鄉原德之賊也

子曰道聽而塗說德之棄也

子曰鄙夫可與事君也與哉其未得之也患

得之既得之患失之苟患失之無所不至

矣

楊云真可鄙李云一部春秋

子曰古者民有三疾今也或是之亡也古之

楊云嘆絕

狂也肆今之狂也蕩古之矜也廉今之矜也忿矣古之愚也直今之愚也許而已矣

李云剖析明白亦是一劑起死回生之藥只怕諱疾忌醫仍復辜負此老耳○若到今日併蕩與忿戾亦都詐矣

子曰巧言令色鮮矣仁

李云再說一番更有味

子曰惡紫之奪朱也惡鄭聲之亂雅樂也惡

利口之覆邦家者

李云文格妙甚只用二也字叫一者字主客了然後人如何有此手筆

亦好

李云
天何言
哉四語
不是分
源自家
不言還
非指點
子貢行

楊云 ○論惡利口之覆邦家者

第二句忽換者字尤見其深惡痛疾之意

子曰予欲無言子貢曰子如不言則小子何

述焉子曰天何言哉四時行焉百物生焉

天何言哉 李云到底說了許多

楊云 ○論天何言哉至何言哉

子貢言浮于行故夫子借自家下他一說渠却鶻突真向夫子身上尋求夫子只得說出本意曰天何言哉四時行焉百物生焉天何言哉只是勉他行耳今人都看錯

便把仲尼點化子貢本懷埋沒于有餘年

孺悲欲見孔子孔子辭以疾將命者出戶取

瑟而歌使之聞之 妙

李云這叫做聖人不會作病孺悲回去定要真病

宰我問三年之喪期已久矣君子三年不為

禮禮必壞三年不為樂樂必崩舊穀既沒

新穀既升鑽燧改火期可已矣子曰食夫

稻衣夫錦於女安乎曰安女安則為之夫

李云
不成話
誰道宰
我在言
科

君子之居喪食旨不甘聞樂不樂居處不安故不為也今女安則為之宰我出子曰予之不仁也子生三年然後免於父母之懷夫三年之喪天下之通喪也予也有三年之愛於其父母乎

李云宰我固不成話老孔亦狠著著都是殺著宰我當日如何當得起○宰我何殺處不在起初來問而在曰安處

楊云是日宰我何以生活

子曰飽食終日無所用心難矣哉不有博奕

者乎為之猶賢乎已

李云請思飽食終日無所用心是甚麼東西分明罵他是箇猪請又思猪後來如何結果畢竟供人一飽食而已故曰難矣哉

子路曰君子尚勇乎子曰君子義以為上君

子有勇而無義為亂小人有勇而無義為

盜李云答得斬截

子貢曰君子亦有惡乎子曰有惡惡稱人之

惡者惡居下流而訕上者惡勇而無禮者

李云又品古

李云
果敢而
室者只
可惜未
可惡
楊云
天下之
通惡

惡果敢而室者曰賜也亦有惡乎惡微以
看他來意
為知者惡不孫以為勇者惡訐以為直者

李云內中稱人之惡者更可惡

楊云論惡居下流而訕上者

周海門先生曰此語人都錯會都看做惡居下而訕上者古之聖賢猶設靴鐸以引下人之諫上有過惡居下者訕之亦不合惡須要看一流字蓋下流不長進之人而敢上訕英雄豪傑所以可惡也所以可惡也

子曰唯女子與小人為難養也近之則不孫

遠之則怨

李云想曾經歷來

子曰年四十而見惡焉其終也已

楊云棟人

李云也是箇老厭物○亦須問惡人者為何如人若是鄉人之不善者即百歲見惡也何妨

微子第十八

附後

微子去之箕子為之奴比干諫而死孔子曰

殷有二仁焉

楊云恐人作兩樣看

柳下惠為士師三黜人曰子未可以去乎曰

直道而事人焉往而不三黜枉道而事人

何必去父母之邦

楊云誰說此老一味和

李云
文法錯
綜

揚云論柳下惠為士師三黜

夫讀至此真可慨矣民命至重乃有以非道殺入者乎若非柳下惠直道事人以身當之不知枉殺却多少人矣為士師而三黜所全多矣聖賢在任有益于人夫率如此他日曾子又謂陽膚曰上失其道民散久矣如得其情則哀矜而勿喜說至此雖欲不以直道事人自不能也

揚云論何必去父母之邦

此非將改操也甚言寧三黜決不枉道事人也

齊景公待孔子曰若季氏則吾不能以季孟

之間待之曰吾老矣不能用也孔子行

李云不行何為

齊人歸女樂季桓子受之三日不朝孔子行

李云子在齊聞韶三月不知肉味齊人歸女樂三日不知孔子

楚狂接輿歌而過孔子曰鳳兮鳳兮何德之衰往者不可諫來者猶可追已而已而今之從政者殆而孔子下欲與之言趨而辟之不得與之言

李云孔非衰鳳狂實猶龍○讀此如到異境

楚不能用
方謂之老
揚云
衆國若
正矣

揚云
非老不
能明遠

遇異人數日後
飄飄欲僂樂哉

長沮桀溺耦而耕孔子過之使子路問津焉
長沮曰夫執輿者為誰子路曰為孔丘曰
是魯孔丘與曰是也曰是知津矣問於桀
桀曰子為誰曰為仲由曰是魯孔丘
之徒與對曰然曰滔滔者天下皆是也而
誰以易之且而與其從辟人之士也豈若
從辟世之士哉耰而不輟子路行以告夫

物云
與聖人
之言
季云
罵他鳥

子。懶。然。曰。鳥。獸。不。可。與。同。羣。吾。非。斯。人。之。
徒。與。而。誰。與。天。下。有。道。丘。不。與。易。也。

○論是魯孔丘與

對曰然

說夫子便曰是也分明說別人的精神說自家便曰然分明說自家的精神一字之異精神頓別古人文字傳神如此今之作者亦畱心于此否乎

○論天下有道丘不與易也

人之識見不同如此在桀溺以為滔滔者天下皆是也而誰以易之在夫子以為天下有道丘不與易也顧涇陽先生有言天下有一毫不不可為豪傑不肯犯手天下有

子云
動得子
路拱立
其人可
知已

多委婉

一毫可為聖賢不肯
放手說盡兩家矣

子路從而後遇丈人以杖荷蓀了路問曰

原奔奇

見天子乎丈人曰四體不勤五穀不分

有。理。奇

為夫子植其杖而芸子路拱而立止子路

亦奇奇

宿殺雞為黍而食之見其二子焉明日

亦奇奇

路行以告子曰隱者也使子路反見之至

則行矣子路曰不仕無義長幼之節不可

廢也君臣之義如之何其廢之欲潔其身

而亂大倫君子之仕也行其義也道之不
行已知之矣 李云看此等光景令人感感

○論四體不勤五穀不分

此是丈人自家專業之語言我四體一不
勤五穀就不分了我只好管我耕者之事
那得閒工夫管你夫子自是一時光景之
語緣何便說責備子路不勤四體不分五
穀亦未有不論何人而都責
他耕田的理思之可發大笑

揚云 ○論道之不行已知之矣

此是子路一時權語不可作實說夫子明
言天下有道丘不與易也君子之仕定為

好

是

聖云
又格極

行道那有不行
道而仕之理

逸民伯夷叔齊虞仲夷逸朱張柳下惠少連
子曰不降其志不辱其身伯夷叔齊與謂
柳下惠少連降志辱身矣言中倫行中慮
其斯而已矣謂虞仲夷逸隱居放言身中
清廢中權我則異於是無可無不可

李云把天下萬世之身與逸民較量其有所
感深矣

○○論無可無不可

此處勿作道理觀如毋意毋必等項也只
是夫子不忍忘天下不忍以其身為逸民
耳然事勢如此又不敢定其身不
為逸民也大抵是無聊賴之語

大師摯適齊亞飯干適楚三飯繚適蔡四飯
缺適秦鼓方叔入於河播鼗武入於漢少
師陽擊磬襄入於海

李云平平叙去而有無
限感慨文品亦高古

楊云與安祿山舞馬
同義

周公謂魯公曰君子不施其親不使大臣怨
乎不以故舊無大故則不棄也無求備於

李云
又品古
甚

一人。楊云只是忠厚二字盡之矣
李云文品古甚

周有八士伯達伯适仲突仲忽叔夜叔夏李

隨季騮。楊云不必定是一乳兩子只言其
盛罷了

李總論讀此一篇如讀禪官小說野史國乘
令人不寐其亦經中之史乎

子張第十九 七論 附後

子張曰士見危致命見得思義祭思敬喪思

哀其可已矣。逸
楊云緣何致命不言思參之
李云致命不用思字有理

楊云
○論見危致命

下三語俱有思字獨此語無思字見聖賢
文字之妙蓋此處容不得思一思身家之
念便起如何
致得命成

子張曰執德不弘信道不篤焉能為有焉能

為亡。李云罵得很

子夏之門人問交於子張子張日子夏云何

對日子夏曰可者與之其不可者拒之。拒子病

張曰異乎吾所聞君子尊賢而容眾嘉善
而矜不能我之大賢與於人何所不容我

之不賢與人將拒我如之何其拒人也說得是

李云說得痛快子張固是妙人所以來子夏門人之問也

子夏曰雖小道必有可觀者焉致遠恐泥是

以君子不為也楊云如何喚做致遠李云老實頭

楊云論致遠

如河與做致遠小道致不得遠必大道方可致遠又如何喚做大道此性命微言勿隨註脚草草看過

子夏曰日知其所亡月無忘其所能可謂好

學也已矣楊云怎麼知此李云經歷

楊云論日知其所亡

聖賢所謂日知決非增多聞見而已且反身驗之如何日知又如何日知其所亡極可思極可思

子夏曰博學而篤志切問而近思仁在其中矣

楊云也音李云真

楊云論仁在其中矣

如何喚做仁博學而篤志切問而近思仁便在其中且道所學所志所問所思是仁

即學即志即問即思是仁離學離志離問
離思別有自參之參之自有觀而相逢日子
子夏曰百工居肆以成其事君子學以致其
道。楊云事字可味

李云今之百工居肆以成其事者比比今之
君子學以致其道者幾人哉

論百工居肆以成其事

不說成其器而說成其事極可思蓋說成
其事則技藝已成權柄在我器正從此出
耳然則學以致道從可知已

子夏曰小人之過也必文。真

李云說破千古小人情狀○今人倘有文過

之念這念便是小人了

子夏曰君子有三變望之儼然即之也溫聽
其言也厲。楊云神畫

子夏曰君子信而後勞其民未信則以為厲
已也信而後諫未信則以為謗已也。楊云如何方
做信

李云小心之揚這
等人極少是非

子夏曰大德不踰閑小德出入可也。楊云此公見
地圓矣

李云最方而最員○出入形容其活動耳緣
何便說未盡合理

子游曰子夏之門人小子當洒掃應對進退則可矣抑末也本之則無如之何子夏聞之曰噫言游過矣君子之道孰先傳焉孰後倦焉譬諸草木區以別矣君子之道焉可誣也有始有卒者其唯聖人乎揚云子夏識得本末

李云兩家說話都有病痛若教門人小子似子夏為近也只是可惜了這門人小子○子夏原言本末合一解者失之程仲子猶得其意也詳玩五條便可知

○○論譬諸草木區以別矣

本末原不是兩樣木之根本便是本木之技葉便是末故本末二字俱從木字一點者生意也此一點收藏在木之下故成木字此一點發散在木之上故成末字曰區以別者猶言明白也說道只看草木便知本末是一不是二矣君子之道九句總是說本末是一有末便有本以破子游支離之見耳

子夏曰仕而優則學學而優則仕

揚云都指已仕者說李云今人學未優則已仕矣仕而優如何肯學○此言仕學合一也所以從仕而優說起
子游曰喪致乎哀而止揚云知本之言

李云當時必有臨喪不哀者故有此言

李云
堂堂乎
字音

子游曰吾友張也為難能也然而未仁波、濶、楊、云、如何、做仁

李云合讀下節乃知
聖門之輔仁如此

曾子曰堂堂乎張也難與並為仁矣楊云可見朋友處
並為仁的

曾子曰吾聞諸夫子人未有自致者也必也

親喪乎李云孝子之言○自致字音

曾子曰吾聞諸夫子孟莊子之孝也其他可

能也其不改父之臣與父之政是難能也

李云決不為孟莊子而言曾子則以為為孟
莊子矣

揚云
不改不
然改也
正是真

揚云
仁入之
言

孟氏使陽膚為士師問於曾子曾子曰上失

其道民散久矣如得其情則哀矜而勿喜

李云仁人之言

子貢曰紂之不善不如是之甚也是以君子

惡居下流天下之惡皆歸焉

李云公論○非為紂分疏
疏實不欲人為紂耳

子貢曰君子之過也如日月之食焉過也人

皆見之更也人皆仰之

李云是真知君子之過者

○○○更也人皆仰之

更不作改義如一更二更之更猶言等一會也如時移世易移易字項蓋君子之過原不是過人見謂過耳如日月之食原不是食人見謂食耳少頃人始知其非過而生敬仰之心若有過而改何仰之有

衛公孫朝問於子貢曰仲尼焉學子貢曰文武之道未墜於地在人賢者識其大者不賢者識其小者莫不有文武之道焉夫子焉不學而亦何常師之有

季云分明說他師文武而語自圓妙

叔孫武叔語大夫於朝曰子貢賢於仲尼子

專季是非

服景伯以告子貢子貢曰譬之宮牆賜之

妙譬

牆也及肩窺見室家之好夫子之牆數仞

不得其門而入不見宗廟之美百官之富

得其門者或寡矣夫子之云不亦宜乎

李

云叔孫本欲借仲尼以奉承子貢反為子

貢所鄙倘令聞不亦宜乎之語不愧汗夾

背也乎嗚呼小人

叔孫武叔毀仲尼子貢曰無以為也仲尼不

四書評眼 下論六

二十四

何知其勝已如云者不

賜云
帝授
只是
受民
而

可毀也。他人之賢者，丘陵也，猶可踰也。仲尼日月也，無得而踰焉。人雖欲自絕，其何傷於日月乎？多見其不知量也。痛快

李云：魚以為也，說得最妙。叔孫認真毀仲尼，為有用，不知其毀無用也。却不枉做了小人。

陳子禽謂子貢曰：子為恭也，仲尼豈賢於子

乎？子貢曰：君子一言以為知，一言以為不

知，言不可不慎也。夫子之不可及也，猶天

之不可階而升也。夫子之得邦家者，所謂

立之斯立，道之斯行，綏之斯來，動之斯和，其生也榮，其死也哀，如之何其可及也。

對癡人不得不如
此淺說

堯曰第二十 二論 附後

堯曰：咨爾舜，天之曆數在爾躬，允執其中，四

海困窮，天祿永終，舜亦以命禹。曰：予小子

履敢用玄牡，敢昭告于皇皇后帝，有罪不

敢赦，帝臣不蔽，簡在帝心，朕躬有罪，無以

萬方萬方有罪。罪在朕躬。周有大賚。善人
是富。雖有周親。不如仁人。百姓有過。在予
一人。謹權量。審法度。脩廢官。四方之政。行
焉。興滅國。繼絕世。舉逸民。天下之民。歸心
焉。所重民食。喪祭寬則得眾。信則民任焉。
敏則有功。公則說。

李云若滅若沒若斷若續班班駁駁如商彝
如周鼎古色淋漓照人可愛可誦
揚云
論四海困窮天祿永終

四海一困窮天祿便永終了君之所以享
有天祿者為一人乎為四海乎思之思之
危矣危矣此堯舜大聖人親口叮
嚀之語也勿要不信勿要不信

子張問於孔子曰何如斯可以從政矣子曰
尊五美屏四惡斯可以從政矣子張曰何
謂五美子曰君子惠而不費勞而不怨欲
而不貪泰而不驕威而不猛子張曰何謂
惠而不費子曰因民之所利而利之斯不
亦惠而不費乎擇可勞而勞之又誰怨欲

李云
尊屏二
字古
名目奇
直美
美者直
美惡者

真惡

李云
文法
絕妙甚

文法

仁而得仁。又焉貪。君子無眾寡。無小大。無
 敢慢斯。不亦泰而不驕乎。君子正其衣冠。
 尊其瞻視。儼然人望而畏之。斯不亦威而
 不猛乎。子張曰。何謂四惡。子曰。不教而殺。
 謂之虐。不戒視成。謂之暴。慢令致期。謂之
 賊。猶之與人也。李云是絕好文字
 子曰。不知命。無以為君子也。不知禮。無以立
 也。不知言。無以知人也。揚云以三知結局
最是大關鍵

李云文法極平順

○○論知命知禮知言

序帝王之政。乃以三知結之。最有意味。此
 三知者。內聖也。其餘政事外王也。有此三
 知。美者自尊。惡者自屏。所行皆堯舜禹湯
 文武一脉。仁民之政。已沉堯舜禹湯文武
 之所以能仁民者。亦得之于知耳。然則知
 豈小事也哉。以之結局。最為得之。以見此
 知者。聖學之所以成終成始者也。

下論六卷終

不亦泰而

其瞻視



文方一類一男之如也
映美皆自學惡者自氣
三映皆內望也其猶如
我帝王之如也三映皆
少異味意相也

○○篇映命映斷映言也

李云文長變平則

揚云八三知結句
最是太關健

